



INDEX REGISTAR INFORMACIJA
Ministarstva sigurnosti Bosne i Hercegovine
(bosanski jezik)

Index registar možete, na Vaš zahtjev, dobiti u Ministarstvu sigurnosti BiH
Trg BiH broj 1, 71.000 Sarajevo ili na internet stranici www.msb.gov.ba

Na temelju člana 61. Zakona o upravi („Službeni glasnik BiH“, broj 32/02) i člana 20. Zakona o slobodi pristupa informacijama u Bosni i Hercegovini („Službeni glasnik BiH“, broj 28/00, 45/06 i 102/09), ministar sigurnosti BiH donosi:

INDEX REGISTAR MINISTARSTVA SIGURNOSTI BOSNE I HERCEGOVINE

Sastavni dio Vodiča Ministarstva sigurnosti BiH za podnosiocima zahtjeva, u smislu Zakona o slobodi pristupa informacijama u Bosni i Hercegovini, čini Index registar informacija, koji podnosiocima zahtjeva detaljnije informira o vrsti informacija, koje može dobiti u Ministarstvu.

Napominjemo, da će Ministarstvo sigurnosti BiH prilikom ustupanja informacija posebno, voditi računa o odredbama Zakona o zaštiti tajnih podataka (»Službeni glasnik BiH«, broj 54/05).

Prema Zakonu o ministarstvima i drugim organima uprave Bosne i Hercegovine („Službeni glasnik BiH“ broj 5/03 i 42/03), Ministarstvo sigurnosti Bosne i Hercegovine nadležno je za:

- zaštitu međunarodnih granica, unutrašnjih graničnih prijelaza i reguliranje prometa na graničnim prijelazima u BiH;
- sprječavanje i otkrivanje počinitelja krivičnih djela terorizma, trgovine drogom, krivotvorenja domaće i strane valute, trgovine ljudima i drugih krivičnih djela sa međunarodnim ili međuentiteskim elementom;
- međunarodnu saradnju u svim oblastima iz nadležnosti Ministarstva, te stanja javnog reda i mira;
- zaštitu lica i objekata;
- prikupljanje i korištenje podataka od značaja za sigurnost Bosne i Hercegovine;
- organizaciju i usaglašavanje aktivnosti entitetskih ministarstava unutrašnjih poslova i Brčko Distrikta Bosne i Hercegovine u ostvarivanju sigurnosnih zadataka u interesu Bosne i Hercegovine;
- provođenje međunarodnih obaveza i saradnju u provođenju civilne zaštite, koordiniranje djelovanja entitetskih službi civilne zaštite u BiH i usklađivanje njihovih planova u slučaju prirodne ili druge nesreće, koje zahvataju teritoriju BiH, te donošenje programa i planova zaštite i spašavanja;
- kreira, uređuje i provodi politiku useljavanja i azila, te način ustroja službe i procedura vezanih za kretanje i boravak stranaca u Bosni i Hercegovini.

Ministarstvo sigurnosti BiH dijeli nadležnosti sa nižim nivoima vlasti u oblastima: zaštite međunarodnih granica, sprječavanja i otkrivanja počinilaca krivičnih djela terorizma, trgovine drogom, krivotvorenja domaće i strane valute, trgovine ljudima i drugih krivičnih djela sa međunarodnim i međuentitetskim elementom (Krivični zakon Bosne i Hercegovine, Krivični zakon Federacije Bosne i Hercegovine, Krivični zakon Republike Srpske, Zakon o obavještajno sigurnosnoj/bezbjednosnoj agenciji BiH).

U sastavu Ministarstva sigurnosti Bosne i Hercegovine kao upravne organizacije djeluju: Agencija za istrage i zaštitu BiH (SIPA), Granična policija BiH, Služba za poslove sa strancima BiH, Direkcija za koordinaciju policijskih tijela BiH, Agencija za forenzička ispitivanja i vještačenja BiH, Agencija za policijsku podršku BiH i Agencija za školovanje i stručno usavršavanje kadrova BiH.

Zakonske nadležnosti Ministarstva sigurnosti Bosne i Hercegovine, realizuju se unutar sljedećih organizacionih jedinica:

Sektor za pravne, kadrovske, opće i finansijsko-materijalne poslove vrši poslove koji se odnose na učešće i pomoć u izradi zakona i podzakonskih akata iz nadležnosti Ministarstva, u pripremi mišljenja i informacija iz nadležnosti Ministarstva, po potrebi učestvuje u izradi odgovora na poslanička pitanja iz nadležnosti Ministarstva, u izradi programa rada i izvještaja o radu Sektora, vrši kadrovske i personalne poslove, poslove personalne razmjene i druge srodne dokumentacije između nadležnih institucija, osigurava upravljanje državnim službenicima i zaposlenicima Ministarstva i za svakog od njih vodi dosije.

Usklađuje potrebne aktivnosti i saradnju s Agencijom za državnu službu i Odborom državne službe za žalbe, uz odobrenje ministra, dostavlja Agenciji za državnu službu potrebe za zapošljavanjem državnih službenika u Ministarstvu, vrši poslove pisarnice, arhive, ekonomata, prepisa i umnožavanja pisanih materijala, kurirske poslove, poslove izrade finansijskih planova Ministarstva, operativno-finansijske poslove naplate i plaćanja roba i usluga za potrebe Ministarstva, nabavku roba i kancelarijskog materijala, poslove obrade, obračuna i isplate plaća i naknada državnim službenicima i zaposlenicima, vodi knjigovodstveno - finansijsku dokumentaciju i vrši njeno čuvanje, kao i druge poslove koji su od općeg i zajedničkog interesa za Ministarstvo.

Sektor za međunarodnu saradnju i evropske integracije koordinira aktivnostima Ministarstva i agencija za sprovođenje zakona u Bosni i Hercegovini, kao i u saradnju sa njima, usklađuje njihovo zakonodavstvo i organizacionu strukturu u dijelu koji se odnosi na ispunjavanje međunarodnih obaveza i obaveza vezanih za evropske integracije.

Pored toga, Sektor uspostavlja saradnju između agencija za sprovođenje zakona i međunarodnih tijela i drugih zemalja, predstavlja i koordinira prisustvo Bosne i Hercegovine na međunarodnim i bilateralnim sastancima i konferencijama. Sektor provodi postupke zaključivanja međunarodnih ugovora, kao i prijedloge za ratifikaciju konvencija Ujedinjenih nacija,

evropskih i regionalnih konvencija u oblastima iz nadležnosti Ministarstva. Sektor prati i koordinira aktivnosti na provođenju međunarodnih ugovora i osigurava usvajanje međunarodnih i evropskih policijskih standarda i drugih standarda u oblastima iz nadležnosti Ministarstva, definira prioritete i politike, preduzima potrebne aktivnosti da razvije međunarodnu saradnju i uzima učešće u pripremi zakona, drugih propisa i podzakonskih akata, vezanih za ova pitanja.

Također, Sektor prati i koordinira aktivnosti na provođenju sporazuma zaključenih sa Evropskom unijom i harmonizaciju zakonodavstva sa standardima Evropske unije, te koordinira aktivnosti na programiranju i provođenju projekata, finansiranih od strane Evropske komisije i drugih donatora u oblastima iz nadležnosti Ministarstva. Sektor koordinira aktivnosti upućivanja policijskih službenika, državnih službenika i uposlenika u međunarodne mirovne operacije. Sektor koordinira aktivnosti vladinih institucija, međunarodnih organizacija i nevladinih organizacija u borbi protiv trgovine ljudima.

Sektor za borbu protiv terorizma, organiziranog kriminala, korupcije, ratnih zločina i zloupotrebe narkotika vrši poslove praćenja, analiziranja, organiziranja i usaglašavanja aktivnosti svih nadležnih organa u borbi protiv terorizma, organiziranog kriminala, korupcije, ratnih zločina i krivičnih djela kažnjivih po međunarodnom ratnom i humanitarnom pravu, zloupotrebe narkotika, vrši poslove koji se odnose na izradu prednacrti i nacrti zakona i podzakonskih akata iz oblasti borbe protiv terorizma, organiziranog kriminala, korupcije, ratnih zločina i krivičnih djela kažnjivih po međunarodnom ratnom i humanitarnom pravu, saraduje s međunarodnim institucijama koje imaju za cilj borbu protiv terorizma i organiziranog kriminala, ratnih zločina, kao i druge poslove u saradnji sa nadležnim organima u BiH u cilju prevencije i borbe protiv terorizma, organiziranog kriminala, ratnih zločina i krivičnih djela kažnjivih po međunarodnom ratnom i humanitarnom pravu.

Pored toga, Sektor predlaže mjere za unaprjeđenje prevencije i borbe protiv drugih, težih, pojava oblika kriminalnih aktivnosti kao što su: ilegalna trgovina oružjem, ljudima, drogama, ukradenim vozilima i slično, prikuplja podatke značajne za ukupnu sigurnosnu situaciju u BiH, prima, analizira i koristi izvještaje od značaja za sigurnost BiH od svih policijskih organa u BiH i drugih izvora informacija u BiH, radi stalnog praćenja i procjenjivanja sigurnosne situacije u BiH, saraduje i koordinira aktivnosti sa odgovarajućim organima entiteta i Brčko Distrikta, te saraduje sa odgovarajućim tijelima Vijeća Evrope, Evropske unije, Haškim tribunalom i Međunarodnim sudom pravde, Ujedinjenih nacija, SECI centrom i odgovarajućim organima država sa kojima BiH ima potpisane bilateralne sporazume, vezane za saradnju u oblasti ratnih zločina i krivičnih djela kažnjivih po međunarodnom ratnom i humanitarnom pravu, izrađuje i distribuira izvještaje, obavlja dnevne i periodične analize sigurnosnih događaja, sačinjava sigurnosne informacije, te vrši druge poslove po nalogu ministra, koji po svojoj prirodi spadaju u nadležnost ovog Sektora.

Sektor za zaštitu i spašavanje vrši poslove praćenja, analiziranja, organizacije i usaglašavanja aktivnosti svih nadležnih organa u BiH, vrši upravne i druge stručne poslove koji osiguravaju potrebnu međunarodnu saradnju i koordinaciju, usklađuje i organizira mjere zaštite, spašavanja i strateškog planiranja, koordinira obuku, vrši poslove koji se odnose na izradu prednacrti i nacrti zakonskih i podzakonskih akata, prati stanje u postizanju evropskih standarda u ovoj oblasti, vrši poslove operativno komunikacijskog centra i jedinstvenog broja 112 - za upravljanje kriznim situacijama, kao i druge poslove koji po svojoj prirodi spadaju u nadležnost ovog Sektora.

Sektor za zaštitu tajnih podataka (Državni sigurnosni organ) vrši poslove nadzora nad sigurnosnim provjerama, izdaje dozvole za pristup tajnim podacima BiH, drugih država, međunarodnih ili regionalnih organizacija u skladu sa Zakonom ili međunarodnim, odnosno regionalnim ugovorom, prati stanje u oblasti određivanja i zaštite tajnih podataka i brine za usavršavanje i provođenje fizičkih, organizacionih i tehničkih standarda zaštite tajnih podataka u državnim, entitetskim i organima na drugim nivoima državne organizacije BiH kod nosilaca javnih dužnosti, te u privrednim organizacijama koje dolaze do tajnih podataka i njima raspolažu.

Također, brine o izvršavanju prihvaćenih međunarodnih obaveza i međunarodnih ugovora o zaštiti tajnih podataka, te s tim u vezi, saraduje s nadležnim organima drugih država, međunarodnih ili regionalnih organizacija, brine o zaštiti tajnih podataka u državnim institucijama i organima u inostranstvu, izdaje sigurnosne potvrde za sisteme i sredstava za prijenos, čuvanje i obradu tajnih podataka BiH, drugih država, međunarodnih ili regionalnih organizacija, potvrđuje ispunjavanje propisanih uvjeta za obradu tajnih podataka od strane pojedinih organa, izdaje uputstva za postupanje sa tajnim podacima BiH, druge države, odnosno međunarodne ili regionalne organizacije.

Potom, vrši nadzor nad sprovođenjem fizičkih, organizacionih i tehničkih odluka za zaštitu tajnih podataka druge države, međunarodne i regionalne organizacije i u skladu sa saznanjima iz nadzora, daje obavezne instrukcije za otklanjanje utvrđenih propusta koje su organi dužni neodgodivo otkloniti, razmjenjuje podatke s državnim sigurnosnim organima drugih država, međunarodnim organizacijama, priprema prijedloge propisa potrebnih za provođenje zakona, daje mišljenje o usaglašenosti općih akata o određivanju, zaštiti i pristupu tajnim podacima sa zakonom, koordinira djelovanje organa nadležnih za sigurnosnu provjeru, predlaže postupke za djelotvorniju zaštitu tajnih podataka, vrši nadzor nad kriptozastitom tajnih podataka i izdaje certifikate za korištenje sistema kriptozastite u organima BiH.

Također, uspostavlja i vodi nacionalni centralni registar u kojem se vodi službena evidencija o izdatim dozvolama za sve osobe koje imaju pravo pristupa tajnim podacima povjerljivo, tajno i vrlo tajno, na osnovu sporazuma o saradnji BiH sa NATO-om, uspostavlja i vodi NATO centralni registar u Ministarstvu i pod-registar u Misiji BiH pri NATO-u u Bruxellesu u kojima se čuvaju i procesuiraju klasifikovani podaci NATO-a, na osnovu

sporazuma između BiH i Evropske unije o sigurnosnim procedurama za razmjenu klasifikovanih informacija, uspostavlja i vodi pod-registar EU, uspostavlja i vodi pod-registar Ministarstva za čuvanje i procesuiranje tajnih podataka Ministarstva, obavlja poslove prijema i dostavljanja tajnih podataka na teritoriji BiH i drugih država, utvrđuje Pravilnik o edukaciji o pitanju sigurnosti tajnih podataka i obavlja druge zadatke koji su određeni Zakonom i propisima donesenim na osnovu njega.

Sektor za graničnu i opću sigurnost vrši poslove koji se odnose na praćenje, proučavanje, analizu i procjenu ukupnog stanja granične i opće sigurnosti, posebno vezano za zakonito, efikasno i pravovremeno provođenje zakona i propisa koji se odnose na sve vidove zaštite javnog reda i mira, saraduje i koordinira aktivnosti, vezano za zaštitu javnog reda i mira sa upravnim organizacijama Ministarstva, te drugim državnim i entitetskim institucijama i sa odgovarajućim međunarodnim organizacijama.

Potom, prati i analizira provođenje međunarodnih sporazuma i drugih međunarodno pravnih instrumenata, usmjerenih ka efikasnoj zaštiti svih oblika javnog reda i mira, kao i zaštiti granica, aerodroma, lica i objekata, sačinjava izvještaje i predlaže preduzimanje potrebnih mjera i radnji u cilju efikasnijeg obavljanja poslova iz predmetne oblasti, učestvuje u izradi zakona i podzakonskih akata u Ministarstvu, cijeni njihovu usklađenost sa međunarodnim propisima i standardima, te predlaže pokretanje inicijative za usklađivanje domaćeg zakonodavstva sa međunarodnim standardima, sadržanim u međunarodnim pravnim instrumentima, saraduje sa međunarodnim organizacijama i drugim zemljama u poslovima iz nadležnosti Sektora.

Sektor za imigraciju vrši upravne i druge stručne poslove, koji se odnose na planiranje i sprovođenje politike u oblasti imigracija u BiH, vrši poslove koji se odnose na izradu prednacrta i nacрта zakona i podzakonskih akata iz ove oblasti, te prati stanje u vezi sa postizanjem evropskih standarda u ovoj oblasti. Sektor realizuje prihvata državljana BiH po sporazumima o read-misiji, vrši prihvata i smještaj stranaca žrtava trgovine ljudima, vrši analizu i izvještavanje, kao i druge poslove i zadatke, koji po svojoj prirodi spadaju u nadležnost ovog Sektora.

Sektor za azil vrši upravne i druge stručne poslove koji se odnose na izvršenje i sprovođenje politike i postupaka azila u BiH, vrši poslove koji se odnose na izradu prednacrta i nacрта zakona i podzakonskih akata iz ove oblasti, osigurava prihvata, smještaj i podršku tražilaca azila, prati stanje u vezi sa postizanjem evropskih standarda u ovoj oblasti, vrši analizu i izvještavanje, kao i druge poslove koji po svojoj prirodi spadaju u nadležnost ovog Sektora.

Inspektorat vrši poslove nadzora i inspekcije nad izvršavanjem zakona koji se odnose na sigurnost BiH, na državne službenike i zaposlenike Ministarstva i upravnih organizacija u sastavu Ministarstva, nadzire upravni postupak, posebne upravne postupke i kancelarijsko poslovanje pri Ministarstvu i upravnim organizacijama u sastavu Ministarstva.

Sektor za informatiku i telekomunikacione sisteme vrši poslove održavanja i otklanjanja kvarova na informatičkoj i mrežnoj opremi, administraciji mreže, nabavci aplikativnog softvera i njihovoj postavci na računar, standardizaciji sistemskog softvera i opreme, uvođenju i primjeni mjera zaštite podataka u informacionom sistemu, kreiranju i održavanju web stranice i e-maila servera, instaliranju i podešavanju potrebnih programskih rješenja na radnim stanicama korisnika, preventivnom održavanju i testiranju instalirane računarske, mrežne i telekomunikacione opreme, pronalaženju i otklanjanju kvarova na instaliranoj opremi i instalacijama, preventivnom održavanju sistema za neprekidno napajanje, te analizu softvera za baze podataka.

Podnosilac zahtjeva, u smislu **Zakona o slobodi pristupa informacijama u Bosni i Hercegovini**, može zahtijevati informacije iz domena rada Ministarstva sigurnosti Bosne i Hercegovine.

M I N I S T A R

mr. Sadik Ahmetović

Sarajevo:

Broj: